

PRONOSTICA- TION NOUVELLE

Pour l'an mil cinq cens
soixante deux.

Composée par Maître Michel Nostra-
damus Docteur en Medecine, de
Craux en Prouence.



A PARIS.

Pour la veuve Barbe Regnault, demourant en la rue
saint Jacques, à l'enseigne de L'elephant.

AVEC PRIVILEGE.

A L M A N A C H

Pour l'An M. D. LXII.

Nombre d'Or	V.
Cicle Solaire	lii
Epacta Egyptienne	xxiiii
Indiction Cesarée	v iusques à xx vii Sep- tembre, Puis apres vi.
Lettre Dominical	D
Interualle	vi, sepmaines iiii iours
Septuagesime selō l'vsage Romain	xxv. Iāuier,
Les Cendres	xi Feurier
Pasques	xxix de Mars
Rogations	iii de may
Lascencion	vii de May.
Pentecoste	xvii de May
La trinité	xxiiii de May
La feste Dieu	xxviii de may
L'Aduent	xxix de Nouuembre.

Iours des Noces.

Depuis le xiiii iusques au xxiiii de Ianuier. Et
du xvi. d'Auril iusques à ii. de May & du xxv
de May iusques au xxviii. de Nouuembre les
Noces se pourront celebrer.

Eclipse de Lune sera vn mecredy par les, O e
cidentaux le xv iour de Iuillet à xv heures
50. minutes. Et par les Meridionaux sera à neuf
heu. par le xvi iour à xvii. min. apres midy dure
ra presque iiii heu. xxxviii min. au trois degré de
Aquarius, & sera totalement obscurcie & du
cōmencement de son obscurité iusques à la re-
stitutiō de sa lumiere passeront beaucoup plus
de trois heures & demeurera en tenebres telle-
mēt obscurcie que l'vn ne verra l'autre vne heu-
re & xxiii minutes xv. poinctz de la Lune serōt
eclipsez avec xxx minutes, qui est eclipse tel ra-
rement aduenu, Dieu vueille que soit pour biē.

Presage vniuersel de l'An. 1562.

Les animaux petis que grands, qui viendront à paistre par
troupeaux sera faicte grande perte, sera grant abondance
de pluie & sera peu de fromens & grant abondance d'huyle, par
les Meridionaux, pluyes grandes aux Gaules Beligues Aqui-
taniques grandes gresles tempestes chenilles & grande pluyes
quelque Roy malade Prince ou Monarque, Le froment se trou-
uera corrompu, Les Locustes aux Oriensaux abonderont & la pe-
silence, qui sera en plusieurs lieux. Et Dieu sur tout qui nous
doins grace de passer tranquillement l'année.

Faciāt M. Nostradamus Salone Petre
Prouincia de mense Aprili 1561.
pro Anno 1562.

A ij

A Monseigneur, frere & meilleur Amy, que i'a
ye en ce monde Cheuallier d'vn vray zelle.

Combié que ie ne vous aye iamais veu ne vo^s
moy, sinon par visitations de leteres l'vn à
l'autre escriptes, si est-ce, que la grande conformi
té de noz esprits, par laquelle i'ay cogneu, que
ie n'ay iamais sceu si bien deguifer mes Alma
nachs; ou, Pronostications souz motz couuerts
& obscurs que ne les ayez descouuers & enten
dux incontinent aussi bien que moy, cōbequid
l'eu mis. Lors Cela m'a causé vne si grande ami
tié entre nous deux que ie ne seray iamais en re
pos, que ne nous soyés visitez par mutuelle pre
sence. Et pource que ie dedie mon Almanach à
nostre Saint Pere à present nommé Pie quatrie
me, i'ay bien voulu à vous qui estes Ecclesiasti
ques, vous dedier ceste miennne Pronostication,
Laquelle enuoye pour vous presenter par Pier
re Brotot.

Leantierement vostre frere & meilleur amy
M. Michel Nostradamus Docteur en mede
cine de Salon de Craux en Prouence, l'an mil
cinq cens soixante 2. Priant Dieu vous tenir en
sa sainte grace, & moy en la vostre.

De la disposition de la presente année 1562.



ET pour-ce qu'il me semble d'auoir assez declaré & amplemēt manifesté aux predictions de l'amanach, les aduenures futures de la presente année 1562. si est-ce qu'il est possible qu'on pourroit auoir obmis plusieurs auenemens que aussi aduiendront, les declarerons vne partie dans la presente Pronostication; Et combien que veritablemēt iouxte le iugement du cours des Astres, ceste année icy n'est gueres moins formidable, que sont esté les années precedétes en plusieurs lieux & diuers endroits, mesmes par tout le pays de l'Italie, ou encorés les significations de l'eclipse du Soleil qui est precedante du moys D'auust l'ā 1560 qui encor fait son extension Iusque à toute la presente année 1562 ou le Soleil fut eclipse par la Lune & combien que le soleil soit la lumiere & chandele du ciel, apres Dieu gubernateur du monde astrologiquement parlant facteur du temps le grant Esprit du ciel, pource que les signes en eux se viuent par luy viuifier. Si est-ce que la Lune inferieuse & mutuant sa lumiere de luy, l'est venu priuer quelque peu de sa lumiere, & comme nous estant à ce inferieur monde sommes regis & gouuernex inferieusement par les corps superieurs celestes fera q̄ ceste année & quelque peu de celle de lan 1563 que plusieurs des regis, citez, villes, Contez, duchez, principautez, marquifartz & autres infinies satrapies, tellemēt

que ceux q ce seront vsurpez par le passé tant par monarchies tyrannies aristocraties, démocraties & autres vsurpations la plus part par ambition.

Fin de la disposition de ceste presente année.

Du printemps. 1562.

LE printemps de ceste année icy. 1562. Comencera au mardy entrant au mecredy le vnziesme du moys de Mars, le Soleil entrât au premier poinct d'Aries, lequel sera en son commencement chaulx & humide, estant la Lune à 12. degrez de Gemini, pluvieux, froid glacial avec pluyes, ventz, neiges, diuersité de temps, preparation aux Orientaux, & manifestes significations & tremblement de Terre: Signifiant la terre en son deuoir faire significances manifestes d'bondance de tous biens de la terre, tous fruictz, grains, animaux, faisât aparée de beaucoup de Bledz, & vins & du tout abundant & à pris raisonnable, signifiant par aucunes cononctiōs que deuers le printēps il se viendront a esmouuoir contre hommes & femmes, aucunes seditions en attendant de faire quelque violence, plusieurs animaux mourront, sera faisēt guerre deuers les parties Meridionales, & grādz ventz tellement que aucun des fruictz & fleurs cherrōt en terre & mourrōt la pl^e pt d'iceux cherrā sechera & perira. Et en outre les hōmes les vns contre les autres se tresteron paroles, nouueletz diront d'aucuns ce que iamais n'aura esté faisēt dit ne pēsē. Tellemēt que par telles paro-

les controuées & mensongeres qu'auront dit iniquement les vns contre les autres, & iniustement sera fait vn grãdissime tumulte, bruitz, que celles, & se banderont les vns contre les autres, & mourront plusieurs des bandes a ceux qui seront en lieu plus belles & verte jeunesse, mourront des plus beaux & ceux qui plus seront de plaindre, & ceux qui point ne seront cause du mal. Toutesfois seront tuez & trucidéz les fauteurs & prometteurs de guerres, & les pl^r principaux de telles factiõs, & sera faicte grãde pluye & grande inondations precedentes, & abonderont les Fontaines par tous endroitz par le monde, & plusieurs diceux mourrõt avec vne tarde penitence d'auoir delaiissé leur premier institution de viure de la vie monastique, aucües femmes qui auront mal aux mamelles, au gosier, les hommes aux aignes & aux membres de generation. Et la fin du printéps sera chaud humide ayant plus de chaleur que d'humidité, deuers les parties môstrueuses seront faictes de grandes pluyes & grãdes gresles, les hommes de letres ne feront pas grant proffit, l'aparence de la terre en fertilité sera grande. Les Roys feront grande iustice & droicture, & de iugemét equitable, & leur domination sera en temperature bonne, deuers le pays d'Orient, la guerre y sera grande, en d'autres lieux sera faicte grande expãtion de sang aux temples, puis apres seront subuertis, les souldatz prins desmembrez & dechirez & sera faict plus grand tumulte que iamais

aucun des suietz & plusieurs de infimes conditi
on & autres se viendront a desdigner de obeir
à leurs Princes & Seigneurs, la Lune Iupiter &
Mars dás la troisieme venát manifester abodáce
de grain à la terre, & les voyes, chemins voiajes
destruits seront molestez par larrons brigans &
meurdriers & pour cause que Iupiter au com-
mencement du Printemps est en Gemini, signi-
fie que sera vne grandissime guerre au pays de
Larmenie & autres regions souz Gemini mes-
mes, icelle terre Armenique sans grandement
molestée, puis sortira vn grant vent Oriental té-
dant au Septentrion, qui sera pestifereux & de
grandes violances, & Saturne estant en la qua-
triesme souz les rais du Soleil vient a presager
que pour crainte timidite subite & repentine
fraieur viendra circunder les hommes ne sca-
chant la cause de celle fraieur, tellemét qu'il les
viendront a exciter à offences, & telle sera l'es-
motion & tumulte que les vns molesterót et in-
fecteront les autres et alors suát que soit la fin
du Printemps seront veuz aucuns signes au ciel
grandement espouuatables & commettes et
l'on verra des torches ardantes voller en l'air se-
ra fait tremblement de terre, les eaux commen-
ceront vn peu à la fin du printéps a deffaillir les
nautonics seront en grandissime danger en la
mer aucuns des fruiçtz par la bruine courant se-
rót gastez villes villages citez & forteresses qui
seront pres du riuages de la mer, seront trou-
blées & les habitans d'icelles d'vne tres horri-

ble & espouuſtable fraieur tant par l'inclemēce de l'air, que par les inuaſions barbares des pirates & eſcumeurs des mers qui feront des maux innumerables pillant & vaſtant tout le pays & le vent Septentrional qui endōmagera les fruicts Dieu par ſa grace nous vueille preſeruer & la deliberation qui eſt faiſte par les princes ſortes en bon effect.

De l'eſté 1562.

L Eſté ceſte année icy 1562 Commencera le douzième de Iuin à 5 heures 40 minutes apres midy qui ſera le douzième iour par aſcendant cancer & mars avec l'aſcendant qui ſera en ſon commencement chaud & ſec ayant quelque peu de moderation car par aucunes pluies qui viendront quelque peu à humecter & temperer le temps pour Saturne, Mars Venus & Mercure eſtans en la quatrième triplicité aqueé Et apres peu à peu commencera de croiſtre lardeur chaleur & inflammation & ſechereſſe grāde qui cauſera pluſieurs fieures cōtinues ardātes tierces nothes & de fort lon paroxiſme & en outre que arriueront grandes classes barbares de triemes & yrremes qui ſpolierōt preſque tout le riuage marin des Mers orientales depuis la mer de Cecille, Adriatique, Liguſtique, Corſique, Sardeigne & preſque toute la Mer mediterrannée ſera continuellement vaſtée aſſallie par depredations des pirates & eſcumeurs barbares & tant par imaginatiōs que les lieux maritimes que par les continuelles moleſtations qu'il ſe-

ront par tous les riuages marins peurs craintes
fraieurs & repentines avec valpitation de cœur
viendra tellement de nuict & de iour assaillir les
couterances } & cōtermines, que peres & meres
lairrōt les enfans dans leurs liētz & berceaux et
abandonneront leur vie pour le salut d'icelles
pour n'estre faite proye ne encourir d'entre les
mains des inhumains Barbares, & se fera le pis
que en plusieurs endroitz subite pluie & in-
croiable tempeste de temps donnera à leur fait
te & sauement & empſchement plus grād, sui-
uant Mars à demy estē estant dedans le Lion a
uec venus viēt à signifier que les Orientaux tāt
de l'oriētāl d'asie d'Affrique & l'Europe de tou
tes ses trois contrees auront grandissimes guer-
res, tulmutes & bruitz belliques, tant par Mer
que par Terre, & sortira dās ceste cité vng nou
ueau neptune Chrestie, lequel viendra quelque
peu à expolier les lieux marines des escumeurs
& depredateurs, mais deuers les oriētāux de l'A
frique sortiront de nouueaux pirates qui feront
encores plus grandes deprendations & demeu-
rera la mer presque innaugible comme les li-
eux solitaires, fraieur de briganderie et seront
aux hommes de grandes douleurs de ventre d'e
stomach, de costez & continuelz vomissemens
vertz de iaunes & au pl^e ieunes grādes saignēs.
de nez que les vexera grandemēt, avec signe de
pestilences, les marchās & negociateurs seront
en grandissime crainte & timiditē, ioint que
leurs seigneurs & dominateurs les contraindrōt

a énormes exactions & commettrôt en eux de
grãde iniustices. Ceux de parties arabique aurôt
des fraieurs grandes & non sans cause soufler a
tel vent de telle chaleur, ardeur & inflammatiõ
qui brulera presque & sechera tout ce qui sera
trouué vert & sec dessus la terre, & ceux qui for
tiront des vmbres entrant a lardeur du Soleil,
se trouuerront presque ars & bruslez & ausi
que par plusieurs & diuerse vengeances & lon
gues ires gardeés de longs temps à l'estomach
seront plusieurs qui mettront le feu aux maisõs
ia cueillies & plusieurs autres vastations les a
parances que aura fait le printéps seront beau
coup meilleurs qu'on ne cuide entre les habi
tans du mtdy de l'Afrique & de l'Europe, les
riches contre les pauvres se viendront esmou
uoir & sortira grand guerre & sedition & serôt
les pauvres deuastes & succõbez deuers le pais
de la multitude de quarentesept & quarente
huiët degrez à cinquante cõme depuis Lyon,
par tout le pais de Sauoye, Dauphiné, Bourbon
nois, le plat pais iusques à Paris par tout alétour
ou est dite la France, la Gaule belgique, Celti
que, & Aquitanique deuers la fin de l'esté les
pluyes seront grandes avec gresles, tempestes,
fouldres, corruications deuaillant pais de longi
tude beaucoup de beatitude peu ne tenant gue
res plus que d'vne lieue de largeur, mais de lon
gueur descourira grãt pais & deuers les pties
meridionales & australes, combien que l'année
fait aparoir d'estre abondance de bleds & vins,

si est ce que le tout sera cher & seront grandes ires querelles altercations, diuisions, debatz noises, & inflamations & aparoiſtront au Ciel, peu deuant que le Soleil se absconce & apres auoir esté absconcé de grandes rogeurs, le Ciel vermeil entremeslé de iaune, qui est signe que deuers les Espaignes & la Romanie & aux endroits sugets a Libra, seront de grandes maladies especes de fieures pestilentiales, & seront faictes de grandes effusions de sang, tant pour le faict bellique, que par conspirations & coniurations descouuertes, & mourront de toute espeece de gens pour la mauuaise & affrenée inclemence de l'air, avec preparation a fieures car tes disinteries & maladies lógues, ceste esté est grandement de craindre par plusieurs sinistres euemens Dieu par sa grace vueille pacifier le temps.

De l'Automne 1562.

LAutomne ceste année icy cōmençera le troisieme & quatriesme de septembre a 7. heures 22. minutes apres midy par ascendant le 12. degré de Taurus, qui sera en son commencement froid & sec & grandement remply de bruines & brouillas espes pluies frequentes gresle, tēpeste, vents & toute autre malise de tēps commençant la Mer par tormēte y estre faict plusieurs & diuers naufrages & sortira par tous les endroits de l'Europe en lieux infinis peut crainte timidi

te fraieurs repentine & suites emotions, telle-
ment que les vns se viendront esmouuoir con-
tre les autres sans cause raison, ne ocasion & se-
ront plusieurs temples frapez exterieusement au
ciel & interieurement seront spoliz par persõ-
nes pollues fraieurs esmuees de subites emoti-
ons irraisonnables les lieux maritime seront be-
aucoup plus vexes que nulz autres tous les che-
mins & voyes seront assiegeés les plus grandes
citez seront en plus grande fraieur les gardes se-
ront grandes par dedans & par dehors les fre-
quentateurs des temples seront en perpetuelles
timidité par peur de spoliation de leurs biens
et substance et en grandissime dangier de leurs
persõnes, tellemēt q̄ plusieurs des sacristes pour
ne tōber entres mains d'auerfaires seront con-
traire de vuidier et d'estre excitez de leur terrois
& pais pour ne tōber entre mains des indiffe-
rentz a leurs secte & religiō. Et pource que ve-
nus entrant à l'Escorpion & mars. la suiuit viēt
à signifier que durāt ceste Automnēe lō effaira
de faire mourir par venin & poison quelques
femmes de grande qualitē ceux entre les autres
des principaux dominateurs de la terre ayant
toute puissance obsolue t'en ensuira vne fin fu-
nelle & defaillement portētueux & ce que par
 potion enuenimēe ne se fera peu paracheuer
par autre moyen se viēdra accomplir avec vne
grande infidelitē & desloyautē & procedra la
fin & l'origine de tels meurdriers & mortz de
long temps cōiurez des personnes qu'on neut

iamais douté en cest endroit qui s'aimera se gardera tel pēsera estre bien esloigné q en sera biē proche & tel bien proche qu'on ne pēsera aucunement a luy prochasser nullemēt embuches ne insidies & tel estre bien proche qui ne sen doute qui viēdra à mespriser cecy. Dieu par sa grace le vueille cōseruer & contregarder & les autres aussi, que apres quelque vns que serōt esté ostez du milieu ne aduendra pas ainsi comme le promoteur de leur entreprise auroit deliberé de faire, mais luy succedera tout au contraire, pource que apres & deuers le milieu de cest Autoane & dedans le circuit d'iceluy les vns se osteront le bien des autres sans voie ne raisō, sans droit equité & iustice, & ce porteront les vns aux autres mauuaise volonté seront faites grandes pluies & si continuelles & en plusieurs lieux de la Gaule celtique, et belgique que lon cuidera le deluge de Eucaliū renouueller. Et p opposite aux pties meridionales de l'Europe de trentehuiēt a trenteneuf, quarāte quarāte deux. degrez de leatitute serōt faittes pluies mais exi. gnes deuers le commencement de l'Autōne au milieu plus grādes, & deuers la fin encores plus & suruiendront quelques nouveaux sectiltes, qui viendront espargner et semer certaines folles erreurs au peuple, tellement que plusieurs d'entre eux pour la diuersité des sectateurs naistront grandes guerres, querelles noises, debatz discordes altercatisō, et en plusieurs assemblees les fers commenceront tellement de liure qui

sera faicte grande effusion de sang, & tellement que ceste nouvelle seméce viendra à dechasser la precedate, puis sortirôt encores de plus grandes emotions d'un pais cõtre lautre serõt assemblez synodalement pour faire decesion d'aucüs differentz & ne se pourront accorder et s'en retournera tãt d'une partie que d'autre la plus part confus & mal contans et sera ce qui est & ce qui estoit. Et pource que par vn aspect icy d'une cõiunction du Soleil à Mercure, et par le trine du Soleil à Mars que rien ne se pourra accorder & sera plus grand tumulte que iamais et ceux la plus grande perte qui auront excité par libelles diffamatoires par consercion de leur estat par excitation indeuë des choses assoupies & demy endormies, mesmes de ceux qui auront excité les larrons et auant ne soit lanée passée vous verre condescendre les choses estre et auoir esté tout ainsi qu'il est mis par escrit remettant le tout à la puissance infinie de Dieu le createur, auquel ie prie qui vueille pacifier & lire la malice des habitans de la terre, & qui luy plaise de reduire en paix et vnion concorde & en saincte religion la premiere Chrestiente.

De l'Hyuer 1562.

L'Hyuer ceste année icy cõmencera vn samedi entrant au dimëche 12 de decembre à 11 heures quarante trois minutes apres midy à 18 degres 55 minutes de Canser par ascendant le

vingt septiesme degré. de Virgo le quel sera en son commencement froid, sec, avec pluies neiges, brouillas, glaces, ventz et toutes autres mauuaises inclemences du temps et estât Saturne, Iupiter, Mars venus en la triplicite aquatique qui demonstre grandes & frequentes pluies et estre faictz plusieurs et diuers naufrages tât par mer que par terre, la mer pour les frequentes vagues & inondations estre inepte aux nauigans et estre de grandes submersions par fleuues et grandes riuieres enflées par les continuelles pluies, les guerres qui serôt assoupies se fera traictemēt des deux années sequentes de vers les lieux maritimes, Mars qui est in Sagitario faict que les gens de guerre voieront beaucoup & aux regions Septentrionales et occidentales seront les pluies si frequentes et si continuelles neiges, verglatz, glaces et brouillatz pello melle le tout ensemble qu'a peine les vne pourrôt veoir les autres et donneront tel empeschement la mauuaise indisposition du temps tellemēt que en plusieurs lieux cuideront perir par eau, et en d'autres pais par les intollerables froideurs de neiges glaces, cuiderôt perir et le bestail en perira beaucoup les escriuains, medecins et autres de profession de mercure avec les viouialistes se querelleront ensemble les depredations les voleries dedans les villes et citez, plusieurs temples dediez et cōsacrez au seruice diuin a la culture et veneratiō de Dieu serôt prophanez spoliez et souillez de sang humain plusieurs des sectes et diuinité de

de religions monastiques tergiuerfant de leurs
voies & premiere profession eux mesmes qui au
ront conseilé secrettement & coniuuration de
Onyx et polluz leurs temples donnant secret
eõseil aux brigandz, larrons et voleurs, par quel
ques endroit deurõt entrer de nuit pour la pro
phanation spoliatiõ d'iceux des maladies durõt
c'est hyuer seront fort grãdes tres mauuaises et
dẽgerceutes serõt plusieurs que par maladies dif
finteriques et lieu teriques grãd nombre de hy
dropiques & phtiques qui perirõt c'est hyuer,
ioict a ce qu'ilz serõt vne infinité de reumes, de
catherres apoplexies paralifies, douleur de ioin
ctures & arieres menassent dãs ce solstice Hye
mal & durant c'est hyuer icy qui tiẽdra iusques
au xj de Mars 1563 la ou reumes, catherres, de
filiations de brulnes & autres infinité de mala
dies qui occuperõt les personnes, agées & a la
parfin que plusieurs d'entre eux periront. Et de
vray mourront d'aucuns des plus grandz sei
gneurs, et seront maladies que les ieunes gens,
& autres se trouueront surprins de fieures con
tinues & ardantes, avec alienation de sang, mais
qui ne mourront point, et se trouueront estre
aux bas iusques a la mort, d'autres que apres se
stant par trop eschaufez et exercitez à ieu de ru
deur spherique ce eschaufferont en telle sorte,
se refroissant tout d'vn coup et tomberont en
pleuresie et d'an sept iours pericliterõt iusques
a la mort, et plusieurs qui mourront crachant
le sang avec difficulté et extreme douleur pon

gitue aux costéz avec grande difficulté d'alaine que le septiesme iour la maladie fera iugement sinistre de leur mal que la mort à plusieurs sen enfuira apres, & la plus part serót personnes de qualité icy dans ceste reuolutiō de l'hyuer serót enuoiés quelques vns sous vmbre de recōciliatiō de paix, auoir foy, assurece fidelité que geres n'auront loisir de se assurer & recognoistre qu'ilz seront mis violantemēt à mort et voiant la mort improuise & accellerée ne se doutāt de la pointure despoignatz si proche a peine aura il loisir de prononcer. Et heac auoir fides & en d'autres potestatz et petites mornarchies, apres auoir fait commettre plusieurs esusions de sang humain, tant de ses proches parentz que d'autres a la parfin seront succomez & tous de telle famille & de surnom stirpez & cruellemēt mis a mort. Par ceste reuolutiō de l'hyuer par Saturne, qui est in cācro fait apparoir estre cōtinu el iusq̄s au quatorziésme iour d'Aoust. 1563.

Declaratiō des Lunes.

I A N V I E R.

En Iāuier nouuelle Lune le 3. iour dudit à huit heures 29 minutes deuant midy, à son cōmencement amenera froit & verglas et sur la fin neige.

Le premier quartier le 12 dudit a 8 heures 39. minutes apres midy, froit humide sur la fin sec.
Pleine lune le 20 du susdit peu deuant yne heu-

re apres midy froit sec & sur la fin humide.

Dernier quartier sera 28 dudit à vne heure 39 minutes deuant midy, qui nous menace de neige avec chagemēt, puis sur la fin verglas & froit.

F E V R I E R.

Nouuelle lune sera le 3 dudit à 4 heu. 33 min. a pres midy, amenāt vēt humide, et la fin fruit sec

Premier quartier le 11 d'iceluy à 4 heu. 49. minutes deuant midy, qui sera froit & humide. Pleine lune le 19 dudit à 4 heu. et demye. 17 minut. deuant midy, sec & sur la fin troublement d'aer

Dernier quartier le 26 à 8 heu. et demye 19. minutes deuant midy, qui amenera quelque rosée blanche.

M A R S.

Nouuelle lune sera le 3 dudit à 4 heu. 37 min. deuant midy, réps pluuieux avec brouillas froit & en la fin troublement d'aer. Premier quartier le 11 dudit à 11 heu. 49 minu. apres midy, qui sera pluuieux. Pleine lune sera le 20 dudit à 6 heures 19 minutes apres midy, vêts & pluye, et sur la fin beau. Dernier quartier sera le 27 dudit à 2 heures & demye, 19 minutes apres midy, froit de matin.

A V R I L.

Nouuelle lune le 3 dudit à 4 heures 43. minu. apres midy, qui sera pluuieux. Premier quartier

fera le 11. d'iceluy à 5. heur. 49 minut. apres midy
quelque peu sec. Pleine lune le 19. dudit à 4.
heures & demye 24. minutes deuant midy, qui
nous menace de tonnerres. Dernier quartier
le 25. à 9. heures 19. minutes apres midy, humide
& sur la fin troublement d'acr.

M A Y.

Nouvelle Lune sera le. 3. dudit à sept heures
49 minutes deuant midy tonnerre, gresle, et té-
peste. Premier quartier le 11 à 10 heu. 18 minu-
tes, deuant midy, au commencement chaud à
la fin vêt humide. Pleine lune le 18 dudit à vne
heure 28 minutes apres midy, qui sera sec avec
quelque pluye legiere. Dernier quartier le 25.
dudit à 3 heures et demye, 19 minutes deuant
midy, pluye & sur la fin tonnerres.

I V I N G.

Nouvelle lune sera le premier dudit peu apres
minuict bon temps. Premier quartier le 9 dudit
demye heure apres minuict vent & pluye & à la
fin chaleur. Pleine lune le 16 d'iceluy à 10. heur.
27 minutes apres midy, au commencement ton-
nerre puis chaleur. Dernier quartier le 23 du-
dit à demy heure apres midy temps fort brouil-
lé & humide.

I V I L L E T.

Nouvelle lune sera le 1 dudit à 2 heu. 9 minu. apres midy le commencement pluuieux, la fin beau. Premier quartier le 9. dudit à 1. heure 19. minutes apres midy vents humides & brouillas Pleine lune le 16 dudit à 3 he. 36 mi. deuant midy eclipse lunaire avec nuées rouges, puis beau. Dernier quartier le 23 dudit à 1 heure 49 minu. deuant midy au commencement sec, & sur la fin tonnerre & gresle. Nouvelle lune le dernier dufusdit à 4 heures 15 minutes deuant midy, chaud & sec.

A O V S T.

Premier quartier sera le 7 dudit à 8 heures & demye 19 minut. apres midy, qui sera quelque peu humide. Pleine lune sera le 14 dudit à 8 he. 34 mi. deuant midy, qui nous menace de quelq tonnerre. Dernier quartier le 21 dudit à 4 heu. 48. minut. apres midy au commencement pluie la fin froid sec. Nouvelle lune sera le 29 à 7 heu. 33 minutes apres midy, mutation d'aergelle froid & pluuieux.

S E P T E M B R E.

Premier quartier sera le 6 dudit à 4 heures 49 minutes deuant midy, quelque peu froid. Pleine lune le 12 dudit à 10 heure à 45 minut. apres midy. froid humide avec pluies legiers: Dernier quartier le 20 dudit à 10 heur. & demye 19 minutes deuant midy brouillas humide. Nouvelle lune sera le 28 heu. 40 minu. deuant midy

vents pluvieux & sur la fin vents humides.

OCTOBRE.

Premier quartier sera le 5 dudit à 9 heur. & demye 19 min. deuant midy menacent de verglas
Pleine lune le 12 iour à 9 heures 49 minutes de uant midy, quelque peu de gellée.

Dernier quartier le 20 dudit à 6 heures & demye 18 min. deuat midy, froid & sur la fin beau.

Nouvelle lune sera le 27 du susdit à 10 heu 27 min. apres midy froit humide puis beau.

NOVEMBRE.

Premier quartier sera le 3. heu demye 18. min. apres midy, pluvieux & sur la fin neige.

Pleine lune le 10. iour à 11 heu. 39 minut. apres midy, froit & sec sur la fin chagemēt de tēps.

Dernier quartier le 19 dudit à 3 heu. 49 min. deuant midy, brouillas puis neige & pluie.

Nouvelle lune le 26 dudit à 10 heures 22 minutes deuant midy froit humide.

DECEMBRE.

Premier quartier sera le 3 dudit à 1 heure 48. minutes deuant midy, neige & sur la fin changement de temps.

Pleine lune le 10 iour à 5 heur. 31 minu. apres midy, vent neige ou pluie, sur la fin froit & sec.

Dernier quartier: le 18 dudit à 8 heures & demye 19 minutes apres midy vent & neige, sur la fin pluie.

Nouvelle lune fera le 25 iour dudit à 9 heu. 27 min. apres midy, froid avec troublement d'aer.

LES FOIRES DE LION.

La foyre des Roys, entrera le douziesme iour de Ianuier, & finera le dernier dudit mois.

La foyre de Pasques, commencera le sixiesme d'Auil, & finera le vintdeuxiesme dudit mois.

La foyre d'Aoult, commencera le quatriesme iour d'Aoult & finera le vingtcinquiesme dud.

La foyre de Toussainctz, commencera le traisime iour de Nouembre, et finera le vingtiesme dudit.

LES FOYRES D'AVIGNON.


La Premiere cōmencera le vingtcinquiesme iour de Feurier, & durera huit iours.

La seconde, commencera le dernier iour de Septembre, & durera huit iours.

Finis.

Fault remaistre le tout au seigneur Dieu, & ne ce fault arrester au dict des hommes, Car il sont tous menteurs & n'ya que le Seigneur qui set tout, & a tout faiet le ciel & terre, & ce fault du tout adresser à luy.

Hazte con el libro que adelanta la historia.
CAESAREM DE NOSTRADAMUS



www.caesaremnostradamus.com

© Manuel Sánchez, 2007

[Email:info@caesaremnostradamus.com](mailto:info@caesaremnostradamus.com)

Reservados todos los derechos. **Copyright**

Esta publicación es solo para uso privado. Únicamente se podrá acceder a esta copia con previo permiso del autor. Queda terminantemente prohibida cualquier copia total o parcial de esta obra.

Con esta excepción, ninguna parte de esta publicación puede ser reproducida o transmitida en cualquier forma o por ninguno medio, electrónicos o mecánicos, incluso fotocopiada, sin permiso por escrito del autor.